

永順縣志卷二

縣人 文 琴 張 孔 修 編 纂

地理二

○○疆域 郵遞附

明永順司

東三百九十里抵岳州府澧州慈利縣界 辰州府志下同

西二百二十五里抵保靖宣慰司界

南三百一十六里抵辰州府沅陵縣界

北二百九十里抵永定大庸衛所界

廣七百九十里袤九百八十里 應作東西廣六百一十里南北袤六百零六里

清永順縣

東至鳳灘與沅陵縣茨洞溪 府志作茨洞溪 交界一百五十里至沅陵縣城七十里 唐氏永順縣志下同

永順縣志 卷二 地理志 疆域

東至龍爪關 府志作東北 與永定縣五溪河拖船壩交界一百一十里至永定縣城四十里

西至牛欄谿與龍山縣巖峯塘交界八十里至龍山縣城一百四十里

南至惹毛寨 府志作西 與保靖縣小西朋交界七十里至保靖縣城三十三里 通志作南至保靖縣界八里

南至土蠻坡與乾州廳蕩溪巖交界二百二十里至乾州廳城七十里

北至巖屋口與桑植縣泥湖塔交界一百三十里至桑植縣城四十里 通志誤作北至桑植縣界四十里

北至萬民崗與桑植縣梳子溪交界一百二十里至桑植縣城一百零五里

東南至焦坪鋪與沅陵縣葛竹溪交界一百七十里至沅陵縣城九十里

東南至山棗溪與瀘溪縣上寅寨交界二百七十里至瀘溪縣城七十里

西南至龍鼻嘴與乾州廳鴉枝寨 原遺鴉字據府志補 交界二百八十里 通志誤作西南至保靖縣界四十里

東北至桑植縣界一百三十里 通志誤作東北至桑植縣界三十里

東北至麻陽坪與永定縣溫塘交界一百二十里至永定縣城八十里

西北至傍湖與龍山縣大歇場交界六十里至龍山縣城一百三十里

東西廣三百里南北表三百二十里應作廣二百三十里表三百五十里又府志廣二百五十里南北表三百二十里通志東西廣二百里南

北表三百二十里其數均不符并識於此

距北京四千零八十里湖南省城一千零八十里府志在省城西北九百二十三里至省城東四

千一百七十六里達於京師其數亦不符

### 民國永順縣

東一百五十里至龍爪關與大庸縣交界

西七十里至傍湖與龍山縣交界

南九十五里至王村與古丈縣交界

北一百三十五里至萬民崗與桑植縣交界

東南二百里至瀾溪與沅陵縣交界

## 永順縣志

### 卷二

地理志 疆域

西南七十里至川洞與保靖縣交界

東北八十五里至泥湖塔與桑植縣交界

西北一百二十里至卡沙壩與龍山縣交界

東西廣二百二十里南北表二百三十五里

案永順自建置來歷代之隸屬不同地域廣輪之數道里遐邇之程殊難確定若論

疆索之寬宏則莫過於炎宋想其雄據二十餘州直欲跨南北江而有之南江有富高懿治天

陽等州而北江彭氏亦有之未知是一是二 匪第區區一永順已也自章惇平懿治所有版圖日形狹隘

下至元代困守一隅其時若思州安撫司葛蠻安撫司各有屬地皆彭氏舊壤也明

興復置保靖司以分土宇其腴削為更甚然三州六洞咸歸統馭其地較元為寬侯

志所載蓋據土司全境言之也洎前清雍正七年析置龍山民國二年又析置古丈

故唐志所紀與今日所轄又較狹矣夫昔之輿圖遼闊者以永順距中華遠雖列諸

版章亦幾視為化外迄今始知行政區域無庸侈譚乎廣袤蓋範圍狹則敷布較易

民之受治者當日易而歲不同以視徃榛成俗者不啻天淵矣

○郵遞附

案置郵傳命取迅速也元制十鋪設一郵長專督一切郵務微論馬遞步跼限每日晝夜行四百里明稍遲緩制亦畧同其時我永順未隸版章勿庸汲汲於道途間也改土以來勢必與他州縣等雍正五年詳設各鋪召募鋪兵無徭編永充之名色乾隆二十二年驛道張泓詳定路徑險僻按期計程日夜例行九十六里縣無驛跼凡尋常公文悉繇鋪遞轉達脫值緊要時間另設健夫若干名王村茅坪高望界各四名日夜限行二百里送東路辰陽驛馬遞前進制亦善矣光緒末年外人改設郵政局公私兩便而從前勞費一概蠲除近日電機電桿將興旋廢雖未實行電報亦得繇郵局代達亦可謂因時而制宜然終冀電局之設也舊志鋪遞一門專屬武備今郵政事務不僱用兵因附於此其原有道路若干兵差若干鋪屋若干均志於下

縣城總鋪鋪司五名

通志○縣志城內掛號司一名鋪兵二名東門外鋪鋪司二名

永順縣志

卷二

地理志 郵遞

三

東路十二鋪繇總鋪起十里至轍樹坪十里至他砂十里至嚴弄已十五里至倚窩坪二

十里至小龍村十里至楓香塘

鋪司各二名

十里至王村

各三名

十五里至榆樹坨十五里至茅

坪

各二名

二十里至鐵匠鋪十五里至高望水井鋪

各三名

十五里至焦坪

各二名

十五里至辰

州府沅陵縣界

通志○前三鋪府志作金魚塘別些塘撫字坪

案乾隆四年撥鐵匠鋪司一名歸叢樹坪高望界一名歸古丈坪焦坪一名歸黃土坡今古丈已析置縣故東路至王村僅七鋪從前鋪司概行裁撤所有日夜班郵差悉繇郵局自行僱用以下各路均同

西路二鋪繇王村鋪起十五里至王家洞十里至田家洞

各三名

十里至保靖縣界之白棧

關

通志○縣志云縣省公文遞靖保永綏者俱從沅陵遞王村鋪分遞

又西路四鋪繇總鋪起十里至富坪十里至勺哈二十里至農夕客鋪十五里至傍湖

各二名

名十五里至龍山縣界

通志○府志縣志均無農夕客鋪有大湖界鋪

南路四鋪繇總鋪起十里至時鐵湖十五里至七溪十五里至夾樹坪十五里至惹毛

各二名

名十五里至保靖縣界之龍溪鋪通志○縣志四鋪前後側置

北路七鋪絲總鋪起三十里至鈞磯巖十五里至顆砂十五里至車坪原誤作十五里至

馬落坪十五里至九道水十五里至排柴坳十五里至巖屋口各二二十里至桑植縣通志

○府志七鋪前後倒置

郵局東路絲本城專差經高峯坡撫字坪等處一百零五里至王村分途轉遞一經一碗

水叢樹坪等處四十五里至古丈縣城一經焦坪蓮花池等處二百七十里至沅陵縣

城係快班限一日夜又東路經龍爪關厚坪等處一百八十里至大庸縣城亦係快班限二十三

點鐘到

南路絲王村分局起經田家洞白樓關等處一百零五里至保靖縣城

西路絲本城專差經大農車茨巖塘等處二百一十五里至龍山縣城日班限三日到

北路達桑植無專差係絲大庸轉遞約四百餘里至桑植縣城

○保里街市附

### 永順縣志 卷二 地理志 郵遞

明永順宣慰司

○五十八旗李志○土司時將所編五十八旗析置三州六洞及本司轄地歸流以

一旗分屬永龍兩縣者注半字今屬古丈古注古字不知者闕

辰旗半 利旗 東旗半 西旗古

南旗桑 北旗桑 雄旗半 將旗半

能旗永 精旗永 銳旗半 愛旗半

先旗龍 鋒旗龍 左旗 韜旗龍

德旗永 茂旗龍 親旗 勳旗水

策旗龍 右旗 畧旗永 靈旗水

通旗龍 鎮旗半 蓋旗龍 忠旗永

武旗半 敵旗永 雨旗 星旗水

飛旗龍 義旗永 馬旗龍 標旗半

衝旗古

水旗永

戰旗半

湧旗龍

祥旗龍

龍旗半

英旗古

長旗永

虎旗龍

豹旗永

嘉旗

威旗半

捷旗龍

福旗半

慶旗永

凱旗永

旋旗龍

智旗永

勝旗龍

功旗古

請旗

謀旗

清永順縣

○雍正以後十八保

李志○是時十八保並古丈縣在內

猛崗保

城西北五十里

內穎砂保

城北三十里

外穎砂保

城北六十里

內白砂保

城東四十里

外白砂保

城東七十里

內塔臥保

城北六十里

外塔臥保

城北八十里

內龍爪保

城東八十里

外龍爪保

城東北一百二十里

上榔溪保

城東八十里

下榔溪保

城東一百五十里

施溶保

城東一百五十里

永順縣志

卷二

地理志 保里

五

冲正保

城南一百五十里

王家保

城西一百里

田家保

城西一百里

羅衣保

城東南一百二十里

功全保

城東南二百八十里

西英保

城西南一百八十里

○乾隆以後十八保另編字號

王志及四鄉各保共編為二十字號城內外分為城廂二字

十八保分爲時和世泰人壽年豐正德利用厚生萬邦咸寧一十八字

城內

城字號

城外

廂字號

猛崗保

時字號

內白砂保

和字號

外白砂保

世字號

內塔臥保

泰字號

外塔臥保

人字號

內穎砂保

壽字號

外穎砂保

年字號

內龍保

豐字號

外龍保

正字號

上榔保

德字號

下榔保

利字號

施溶保

用字號

功全保

厚字號

冲正保

生字號

西英保

萬字號

羅衣保

邦字號

王家保

咸字號

田家保

寧字號

○道光以後二十二保

唐志○道光三年古丈坪改設撫民同知守車洗車西英羅五保

故有二保

本城保

勺哈保

守車保

洗車保

車窩保

內白砂保

外白砂保

內顆砂保

外顆砂保

內塔臥保

外塔臥保

內龍保

外龍保

上椰保

下椰保

施溶保

王家保

田家保

以上十八保屬縣治

功全保

冲正保

西英保

羅衣保

以上四保屬古丈廳廳又自將功全冲正合計為六保

民國永順縣十八保

街市附○民國二十年古丈

本城保

唐志載城內街坊十六為與隆坊忠義坊威靈坊孝顯坊威鎮坊興仁坊聖化坊永興坊

坊十一為新坊永鎮坊轉興坊後街通浦坊來儀坊

永順縣志

卷二

地理志 保里

六

關帝廟

城東半里有市僅期

年東岡

城東七里

金魚塘

城東十里

北門冲

城北三里

龍洞

城南四里

楊公橋

城西五里

富坪

城西十里

愛旗坪

城西三里

勺哈保

勺哈

城西二里

西來溪

城西三十六里

蓮蓬港

城西四十里

騎都湖

城北十五里

白蜡園

城西五里

馬卡岔

城西四里

碑裂湖

城西十二里

桑愛土

城西五里

中壩

城西八里

完璧科

城西六里

守車保

守車坪

城西十五里

吳家寨

城西七十里

馬瑙湖

城西五里

皮匠崗

城西八里

傍湖

城西五里

龍鬚湖

城西四里

裂湖

城西十五里

流碧川

城西六里

桐木堡

城西六里

洗車保

瓦礫

市城西五十五里為期

總旗寨

城西五里

塘坊坪

城西六十里為期

汝家寨

城西十五里

大井小井

城西四里

紙棚

城西五十五里為期今廢

雙鳳溪

城西三十里

流藍溪

原名牛欄溪城西六十五里

車窩保

雜木湖

城西九十五里

廟溪口

城西九十五里舊自廢

偏水

城一百里北

天堂

城西八十里

冗迪湖

城西七十五里

車格

城西北八十里均屬河西

車角洞

城西六十里為期以下均屬河東

茶溪

城西七十五里

兩泵河

城西八十里

湖壩坪

城西八十五里

落地珠

城西八十里

內白砂保

高峯坡

城東十五里

別些塘

城東三十里

撫字坪

即虎子坪城東南四十里為期

永順縣志

卷二

地理志 保里街市

七

牛路河

城東南四十五里

西那黑

城南五十里

列夕

城南八十里為期

吏部座

城南八十里

喇集溪

城南七十五里為期

金鈎坪

西古村

餉塘坪

外白砂保

豕岔

城西十里

鹽井

城西五十里為期

托家湖

城西六十里

對山寨

城西七十八里為期

七溪

城西南二十五里

夾樹塘

城西南四十里為期

南渭州

城西南八十里為舊州治

大壩

城西南三十里為期

內顆砂保

李家灣

城東二十里

鈞磯巖

城東三十里為期

咱住

城東北三十里

顆砂

城東四十五里昔土司居此為期

諸賢莊

城東北五十里

新寨坪

城東北五十里為期

草溪 城東北二十五里

龍塔 一名黃土坡 城東北五十五里

外顯砂保

糴子坪 城西北十五里

龍家寨 城西北六十里 有市

多士坪 城西北十五里

碑立坪 城西北七十里

馬踏鋪 城西北十五里

杉木村 城西北八十里 有市 以西北四十七日為期

麻柳河 城西北八里

卯洞溪 城西北九十里

牛欄溪 城西北六十里

內塔臥保

九道水 城東北九十里

車坪 城東北六十里

李家坪 城東北七十里

北蠟 城東北六十里

巖板鋪 城東北六十里 有市 以東北三十六日為期

劉家寨 城東北一百里

官壩市 城東北一百一十里 有市 以東北六十九日為期

毛坪 城東北八十里

三家田 城東北八十七里 有市 以東北四十七日為期

拔萃科 城東北七十五里

砂壩市 城東北一百一十里 有市 以東北四十七日為期

永順縣志 卷二

地理志 保里街市

八

外塔臥保

塔臥 城東北八十里 有市 舊名興隆場 今日為禹王宮 以東北八日為期

七里坪 城東北十五里

官倉坪 城東北八十七里 有市 以東北四十七日為期

九冲 城東北八十五里

茶園溝 城東北九十里

可溪 城東北九十五里

毛家莊 城東北一百里

砂子崗 城東北五十五里 有市 以東北六十九日為期

觀音巖 城東北一百一十里

萬民崗 城東北一百二十里 有市 以東北五十九日為期

西庫 城東北一百一十里

茅壩 城東北九十八里 有市 以東北五十八日為期

馬家溝 城東北一百二十里

內龍保

麻陽坪

潤衙

鳳棲坪 城東北六十里

大王溪 小王溪

石隄西 城東北八十里 有市 以東北五十八日為期

老司城 城東三十里 昔土司居此 有新街 左街 漁肚街 河街 馬蝗口 九望街 等 今有市 以五十七日為期



九官坪

羊峯城 城東七十里明置羊山齋今有市以三六九日為期

勺樂坪

銅瓦溪 城東七十里有市以三六九日為期 毛土坪

大莊

麻叉

外龍保

龍爪關 城東一百五十里市以四七七日為期

青天坪

大巖屋

穿巖坪

濫頭河

賀虎溪

洗筆溪

側塔坪

羊矢坡

上榔保

松柏場

一名登湖城東南九十里一市以一四七七日為期

豹革 城東南八十五里

膏梁坪

城東南七十五里一市以三六九日為期

保坪

城東南八十五里一市以二五八日為期

沙塔湖

官坊灣

西喇

新岩坪

永順縣志

卷二

地理志 保里街市

九

壩溶

波羅溪

官地坡

安水坪

巖板溪

下榔保

鷺鷥灣

小龍村

城東南七十五里舊為驢遲洞長官治所

楓香塘

城東南八十五里

王村

城東南九十五里水碼頭百市

那邱

倚窩坪

城東南五十五里

大把科

老師巖

米哲

克必村

施溶保

展筆邨

城南一百一十里

迴龍庵

城南二百八十里一市以二五八日為期

四都坪

城南二百一十里

圓包壩

城南二百一十里

仁厚坪

城南一百一十里

施溶溪

城南一百一十里

長官寨

城南一百五十里舊為施溶溪長官治所

公羊坪

城南一百一十里

方石巖

城南一百一十里

鯊魚溪

城南一百一十里

石馬潭 城南一百七十里

桑木溪 城南八十五里

石米溪 城南七十里

鎮溪 城南九十里

小寨 城南九十五里

田家保

大田家洞 城南一百三十里 有日為期

利濟冲 城南二十五里

茄桶 城南五十里

細塔 城南四十里

米它邨 城南二十五里

體馬洲 城南二十里

咱布車 城南二十里

流頭溪 城南五十里

上下不尺 城南三十里

白菓樹 城南二十里

排沙溪 城南五十里

王家保

巖人坪 城南一十里

課地坪 城南二十里

大小龍熱 城南二十五里

馬大坪 城南一十里

列夕坪 城南一十五里

小田家洞 城南二十里

科布車 城南一十里

巖惹坪 城南一十里

聶塘汎 城南一十里

王家洞 城南一十五里

永順縣志 卷二

地理志 保里街市

十

○十二年二十六鄉 大見行鄉制或兩鄉三鄉不等故有二十六保仍舊

二十六鄉表

鄉名	保名	自治公所	鄉名	保名	自治公所
首鄉	本城保	西當鋪街	勺哈鄉	勺哈保	勺哈市
守車鄉	守車保	吳家寨	洗車鄉	洗車保	瓦廠市
車窩鄉	車窩保	兩豕河	內白砂	內白砂	撫字坪
內白砂	內白砂	列夕	外白砂	外白砂	大壩市
外白砂	外白砂	鹽井	外白砂	外白砂	夾樹塘
內顆砂	內顆砂	蟠桃菴	外顆砂	外顆砂	杉木村
內塔臥	內塔臥	車坪	內塔臥	內塔臥	劉家寨
外塔臥	外塔臥	禹王宮	外塔臥	外塔臥	萬民崗
內龍鄉	內龍保	石隄市	內龍鄉	內龍保	五官坪

外龍鄉 外龍保 青天坪 上榔鄉 上榔保 膏梁坪

下榔鄉 下榔保 王村 施溶上 施溶保 龍潭

施溶中 施溶保 施溶溪 施溶下 施溶保 鎮溪

田家鄉 田家保 體馬洲 王家鄉 王家保 巖人坪

○○形勢附關隘

溪州西接牂牁兩林南通桂林象郡新五代史

永順司依山為郡乃四通八達之地明李賢等一統志○辰州府志

東抵荆襄西通巴蜀南近辰陽北踞歸峽明曹學銓廣輿記

永保諸土司境介於岳州辰州常德之間西與川東巴夔接壤谿洞深阻易於寇盜明史土司

序傳

重崗複嶺陡壁懸崖接壤諸洞又連漢地苗土雜居宣慰司志

溪州東抵荆湖西通巴蜀南近辰陽北踞歸峽乃四通五達之郊也東南有明溪城西有

永順縣志 卷二 地理志 形勢

黔安成四山環抱湖水中流與川黔之酉陽銅仁相為表裏清邁柱湖廣通志

永順界楚西南隅接壤黔中進制諸夷崗大山窮谷翳林深箐鬱鬱千里蓋雄鎮云清彭聲振

永順司宗譜

石骨繇巨嶮呀奇峭山水時至百川灌河其山勢一綫石徑九折邊隅險要之區斯當稱

最永順圖說

永順一郡楚南徼地也萬峯剡天蜿蜒盤互溪流如綫峻急湍悍羊腸詰曲鳥道迴旋尺

步所不能度言道里者人人各殊臆斷而已府志

郡城處萬山中沙明水白平坦開敞自金魚塘望之勢同釜底府志

涵五溪之靈秀分二酉之菁華繡谷拱於東南蒼岳峙於西北清魏式曾永順府志續編

單光裕永順形勢論客問余曰明於山川形勢而後可以談兵從古然矣永順居楚之極邊重山疊嶂萬狀崎嶇彭氏謂無人到唯有鳥飛誠可謂天府之雄國也然不悉何

山可守何地可伏則藩籬自宜詳論也君其為我言之余倉走陰平其地雖利猶成破竹之勢况永順乎此形勢所以宜詳論也君其為我言之余倉走陰平其地雖利猶成破竹

也施溶溪足也保靖桑植左右手也本城顯如此客曰假使龍山不靖則如龍上榔右則古丈坪田王二保則兩腋也形勢之大局如此客曰假使龍山不靖則如龍上榔右

砂一將當關萬夫莫開處也誠可得數百人守之而伏至於鐵爐坡天梯石棧難於登天更  
永亦危此上游之形勢誠兵家所宜知也客曰永上游誠至險矣下游則又如何曰風灘  
高水陡鎖鑰營閉夫尤難仰攻而破一且賊從下至諸處守之甚易惟龍爪關稍險而  
後有川可入也然關之左多其險有幾曰捧夕嶺其咽喉也塞其溝道無路可通游水陸  
之形勢也客曰由保靖寇永其險有幾曰捧夕嶺其咽喉也塞其溝道無路可通游水陸  
關其要害也拒之於河飛鳥難渡余嘗身歷兩境歎其山林掩映巖徑欲仄賊望之而  
草木皆兵膽先落而步必却矣其他乾州有警則喜鵲營宜早戍也古丈坪宜嚴備之而  
此由古丈入永斷龍山祇行一人田家保足資外障羅衣溪無甚高山防王絕嶺以爲之限然  
巖屋口可壘而守釣磯巖無殊非他州縣可比客聞之喟然曰易言王公設險以守其  
雖較保靖稍夷然言其險要殊非他州縣可比客聞之喟然曰易言王公設險以守其  
國永順之險誠天設之以資人易守者也昔彭氏據此縣延至八百餘年其險以守其  
上者誠能無事則守之以文有事則守之以武雖秦之函谷蜀之劍閣不過是也豈不  
哉休

○關隘附

飛霞閣在縣東二十里路通澧州永定縣清陳宏謀乾隆湖南通志

案府志云即牛角山縣志云即牛角路均誤甚抑當年有此名與

永順縣志卷二 地理志 形勢關隘 十二

野毛關在縣東一百里野毛坪乾隆湖南通志

榔溪關在縣東一百八十里清一統志

案榔溪關距縣城不過六十里此誤作百八十里縣志謂通辰州及永定者即此

百丈關在城東石巖對峙中有小峽流泉湍急府志

西壩湖縣東八十里永定要路府志續編

案唐氏縣志誤作通桑植

勺哈在縣西二十里通龍山光緒湖南通志

捧夕嶺城西三十里通保靖要道雙峯高聳一徑中開由東上不甚峻西下至底凡五層

層層石磴盤旋兩壁叢箐密葦虎豹嘗窟穴於中過客畏之本彭雪椒先生說

永龍山城西七十里永龍交界處亦險要

田家洞在縣南一百里苗崗總要路府志續編

案苗防備覽險要考載田家洞舊設長官司爲永保苗路土人寨落攢簇排列重岡

疊巘地險民勁奸苗不敢輕犯其說是也而清統志誤作田家岡云在縣東南百三十里卽永順宣慰司治雍正七年置巡司其舛迕一至於此不足取也

王家洞城南一百里峯巒複沓洞壑阻深土人寨落民風勁勇爲苗所畏苗防備覽

案嚴氏原作城西南今據輿圖改正

龍狀關在縣北十五里通桑植乾隆通志

案府縣志均作龍伏關

巖屋口在縣北一百三十里府志

杉木坪在縣東北八十里桑植九谿要道府志續編

案縣志作八十五里湖南通志作百二十里均不符

李家坪在縣東北五十里通桑植光緒通志

十萬坪在縣東北八十里桑植要道唐氏縣志

容虎溪在縣東北九十里澧州安福要道唐氏縣志

永順縣志 卷二 地理志 關隘

紙篷關在縣西北五十里府志

案唐氏縣志以紙篷關地甚平坦無險可守除去今仍錄出

龍爪關在縣東南九十五里青天坪前與大庸所後坪楊林鋪爲界通永定唐志

案乾隆通志載龍爪關在縣東一百里接澧州安福縣界蓋指永定未設縣時言之也比時地屬安福故云然

吳良界在縣東南百五十里東接澧州安福縣界南接辰州沅陵縣界清一統志

案府縣志均作一百八十里在施溶保路通永定沅陵

牛路河在縣東南四十里辰州要路府志續編

王村在縣東南九十里卽施溶土州舊地上通川黔下達辰常爲水陸要津雍正七年置

施溶巡司八年改乾隆通志王村在北河北岸傍山臨水磴道崎嶇爲永順門戶往永順者

從此捨舟登陸水陸通衢苗防備覽

案王村當是麥着洞長官司故地通志作施溶土州者誤施溶土州在施溶保已詳

沿革篇

百樓關在縣西南百二十里通保靖縣清一統志

案百樓關今屬保靖而通志府志均誤樓為樓

〇〇星野氣候災祥附

案星野之說創自甘德石申而暢於班固張衡蔡邕陳卓諸家僉謂春秋十二國洵足應周天十二次之數而其實不然試以全球言之均在穹窿覆冒之下海王天王在同踞亞洲之日本顯與中華殊何論歐美是其說齟齬不通不俟煩言而已解如謂三百六十五度四分度之一顯為此十二國而設則魯衛原居東北何以位戌亥之墟吳越本處東南何以麗星紀之舍齊表東海而星何繫於北秦踞西郵而次何附於南淮之宋鄭燕晉周楚之分星咸與玄象相繆蓋其說實不可從即以今中國論自北開平極高四十二度至南瓊縣極高十八度直徑不過六千里豈足盡周天之數哉然自春秋而後迄今凡二千餘年譚星野者罔弗宗之似不妨姑仍舊說以

永順縣志

卷二

地理志 星野

十四

俟知者永順古屬荊州秦以後隸武陵唐始置溪州大抵皆楚境也原即古籍中所言次舍星宿北極高偏度數撮集於左方

十二舍屬鶉尾

周禮春官保章氏以星土辨九州之地所封封域皆有分星以觀妖祥鄭玄注鶉尾楚也

案鶉尾交宮度數古今不同周易說漢費直云張十三度至軫七度為鶉尾荊州分月

令章句漢蔡邕云張十二度至軫六度謂之鶉尾史記正義唐張守節云翼二十二星軫四

星長沙一星轄二星合軫七星皆為鶉尾於辰在已楚之分野漢書律曆志云鶉尾

初張十八度中翼十五度終軫十一度續漢書郡國志注云自張十八度至軫十一

度曰鶉尾之次謂之大荒落於律為夷則斗建在申今楚分野帝王世紀晉皇甫謐同而

三統曆漢公孫卿景初曆三國魏楊偉皆起張十七度至軫十一度大衍曆唐僧一行起張十五度

至軫九度以上諸家雖云度數稍差而宮宿均未有異惟明崇禎曆徐光啓始起星七

度至翼十一度清嘉慶曆諸臣奉敕撰起星五度至翼八度何相差乃爾蓋古人不用歲

差灑故宮宿不大變易今則以中氣過宮恆星每歲東移凡七十餘年差一度故宮

無定宿而宿可以遞居各宮也又唐書地理志綜言之曰郴邵黔辰錦施敘獎夷播思黃南溪溱爲鶉尾分我永順時爲溪州謂屬鶉尾之次誰曰不然特不必限爲某度某分反滋穿鑿耳

### 二十八宿屬軫

案明人曹學銓廣輿記王鳴鶴登壇必究二書謂永順天文翼軫分野蓋以我縣舊隸武陵實古荊州之域荊州古稱翼軫分野其來已久春秋元命苞魏宋均軫星散爲荊州史記天官書云翼軫荊州其說如此但荊州尙屬統稱故合二宿言之若第言武陵則只有軫而無翼特不過有十度十一度之判耳考晉書天文志州郡纏次謂武陵入軫十度星經明無名氏著與漢石中卷數同謂武陵今之常德奄及辰沅挈領諸縣越華容西境至澧州石門慈利安鄉極於靖之轄地暨永順保靖諸土司皆武陵入軫十度之野若王應麟玉海于大吉天文秘訣章世純星次分野諸書皆謂入軫十一度雖度數稍差萬不至于過宮也然則永順分野入軫不入翼于是乎益信

## 永順縣志

### 卷二

地理志 星野

十五



### 北極出地高度暨偏西度偏西里

案通志載周天三百六十五度每度長二百里北極高下以南北行而改觀日出入早晚晝夜永短悉由步算經度以京師爲中綫其節氣遲早以東西偏度爲先後惟經度之闊狹有不同即各處每度道里亦不一故必卽度推求里數乃與實測相符以斯言求之知永順北極高度爲二萬八千五百七十分偏西度爲六千三百三十

分偏西里爲一千一百四十六

縣人劉正學風志誌位置條載永順地居湖南省城之西北隅東起龍爪關當西經六度十五分西止牛

欄溪當西經七度二十四分南起鳳灘汛當北緯二十八度三十分北止萬民崗當北緯二十九度二十五分

永順縣太陽出入時刻表

日入

日出

節氣

時刻分秒

時刻分秒

節氣

夏至	酉正三一二〇六
春分	酉正三〇九四六
秋分	酉正三〇三一一
冬至	酉正二〇八二三
立春	酉正一一一三〇
立夏	酉正初一三三〇
立秋	酉正初〇〇〇〇
立冬	酉初三〇一三〇
大寒	酉初二〇三三〇
小寒	酉初一〇六三七
大暑	酉初初一一四九
小暑	酉初初〇五一四
夏至	酉初初〇二五四

夏至	四五二〇初初卯
春分	四一五〇初初卯
秋分	九四一一初初卯
冬至	七三六〇一初卯
立春	〇三三〇二初卯
立夏	〇三一〇三初卯
立秋	〇〇〇〇初正卯
立冬	〇三三一初正卯
大寒	〇三一一一正卯
小寒	三二八〇二正卯
大暑	一一三〇三正卯
小暑	六四九〇三正卯
夏至	六〇二一三正卯

案通志載推日出入時刻謂春分前秋分後為卯後酉前分以加卯正為日出時刻減酉正為日入時刻春分後秋分前為卯前酉後分以減卯正為日出時刻加酉正為日入時刻通省皆然在我永順不過分秒之稍異耳然考今曆所載如二分出入

永順縣志

卷一

地理志 星野

十六

洵屬相符若冬至則出辰初一十入申正二五夏至則出寅正二八入戌初一七胡相差至二時之久通志云云實難盡信但渠謂推求之法為以半徑一千萬為一率本處北極高度之正切線為二率本日太陽距緯度之正切線為三率求得四率為卯酉前後赤道度乃以一度變為四分十五度變為一分故云然其說亦不為無理今姑仍之而畧加辨正如左

○氣候附

縣屬地氣與省會殊春深寒夏燥熱多疾風暴雨或折木發屋一雨即寒一晴即熱端陽後衣單葛秋初炎蒸重陽薄絮冬常溫雪不盈尺土性堅凝寒熱之氣鬱為嵐霧起自子夜至曉不散其日必晴起於辰已漸彌山谷至晡必雨夏秋間民病瘧痢戾氣洩也

唐氏縣志

地脈頗鬆樹藝易活花菓結實亦繁有春花而夏復開秋實而冬不落者府志鄉境高下不齊氣候亦異每逢四九月多雨連日不斷四月謂之梅雨又曰痲雨九月謂



之簷天雨又曰茶花雨城市村落逐節炎涼與省會無異高處如高望界吳良界陽鳳山高峯坡等處四時多嵐氣侵晨瀾漫行者十步前後不相見午後始開霧合即雨連日不散雨不止本彭雪椒先生說

正月初旬每日占驗一雞二犬三豬四羊五牛六馬七人八穀其日晴所生之物育陰則

災漢東方朔歲時書正旦覘來風卜休咎自南來主大旱西南小旱西方有兵西北豆成北方

中歲東北上歲東方大水東南疾疫漢書天文志

二月驚蟄雷鳴主本月兩次月旱妨農清陳啓邁武陵縣志己卯日風百菓不熟春分宜在社後諺云

先社後社分米買如金光分後社大減穀價

三月三日聽蛙鳴占歲稔清賀奇常德府志云午前鳴高田熟午後鳴低田熟膏桐花未放時天氣尚寒諺云無衣人且莫誇

三月還有桐子花

四月立夏小滿節宜雨諺云立夏不下犁耙高田熟是日雨主歲豐諺云四月晴滿易成四月落難上宿

五月夏至日占豐歉諺云夏至在頭邊喫邊憂夏至在尾邊喫邊悔是日雨主歲豐武陵志云夏至見青天有雨在秋邊

### 永順縣志 卷二 地理志 氣候 十七

六月六日雨主秋澇稻腐諺云六月六日晴稻草白如銀六月六日陰稻草貴如金

七月立秋坤卦用事晡時西南涼風至黃雲如羣羊宜粟麥月令占處暑前後各處均可

登場惟上榔一保山高水冷氣候較遲

八月白露後逢壬日為近簷不宜雨俗謂近簷日雨必延四十八日與二月十五花朝雨同占中秋無月主來年元宵

雨武陵志云雲掩中秋分節不宜晴明萬物不成

九月一日至九日北風主來歲穀賤以日占月如一日主正月二日主二月是也武陵志重

陽無雨主冬晴諺云重陽無雨看十月三十三無雨一冬乾

十月一日宜晴餘日宜雨諺云十月一日晴柴炭一樣

十一月冬至青雲見北方主來歲豐否則旱常德府志冬至後不宜逢壬武陵志云值日早二日小旱三日大旱四

日穀熟五日小水六日大水七日河決流八日海翻騰九日大熟十日十一日十二日五穀不成

十二月甚風大雪占歲者以為驗明陳國寶武陵舊事云

四時甲子甲申日均不宜雨諺云春甲子雨赤地千里夏甲子雨山中皆水秋甲子雨木頭生耳冬甲子雨牛羊凍死甲申大雨穀大貴小雨穀小貴

○災祥附

清

雍正八年庚戌夏五月□□慶雲見自午至酉不散秋嘉禾生有一莖九穗至三十穗者

志縣

乾隆四十三年戊戌饑

志縣

四十四年己亥饑

志縣

嘉慶四年己未饑巡撫姜晟馳往撫卹

志通

道光二年壬午嘉禾生

志通

二十九年己酉兩自二月至於六月水入城西關橋圯

志通

是秋荒

升米百錢民多挖葛探炭以爲食甚至有

食白泥者知縣裕麟開倉平糶民稍安詳縣志又云自戊申己酉連歲荒歉斗米值錢三千六百文民有食草與土而病死者有以一粉團易一婦者有以錢四百買一婦一女一子者當其時藉非賢守令多方運穀賑飢平糶永人無遺類矣

三十年庚戌夏旱野有餓殍古丈坪大疫城內火官署延燒幾盡

志縣

永順縣志

卷二

地理志 災祥

十八

咸豐元年辛亥秋大熟七年丁巳亦如之

志縣

三年癸丑春正月郡城火六年丙辰秋八月亦如之官解民房延燒幾盡

志縣

咸豐年間上榔保有桐木生成一刀不假彫琢後數日永郡有石逆擾邊之患

縣志雜識

同治六年丁卯九月雨赤豆

志通

九年庚午六月大饑

志通

蓋金復飭縣諭令各商籌資運米沿途平糶四境賴以安全免

十年辛未東關外火斃一老人

志縣

十一年壬申秋大有年

志縣

十二年癸酉夏六月大水

志縣

窩外顆砂外塔臥等保田廬多壞郡城西北泛溢本城守車

官舍民房無數溺死二十餘人○知府魏式曾稟稱郡地處叢山中向無水患詎本年六月初旬陰雨過多至十四日大雨不止十六日酉刻西北鄉守車保地方蛟水陡發勢

極洶湧當將郡城衝塌數十丈城內頃刻有奔走不及被水淹斃倉廩監獄民房均多倒塌

犯倉卒北赴未及上城遇水湧至該典史與禁卒等同時遭溺經救得生監犯概被衝散

餘畝毀壞城鄉民房二千餘間淹斃男婦二十餘人倉穀漂失一千五百餘石街散往至

縣查明被水貧民先行安撫為無卹○又式曾水災詩有序癸酉郡城大水事聞於朝部門  
及湘鄂同人走函詢狀適張小珊州尉以詠懷七言長律屬和爰借韻以簡知己可抵晤  
談詩云驚濤駭浪擊城頭呼及安音舉國憂堂閣紛如聚蟻庭除泛似浮鷗幸邀靈  
佑全生命力挽狂瀾退逆流鴻雁哀鳴良足惻難豚慰祝亦何修巾箱概失前入籍衣筭  
矜存卒歲依永和聲成六韻聊舒遠念寄庚郵○知縣唐庚水災行同治癸酉六月中  
大水逆流亂奔衝一時灌注城內外溪流不辨西與東憶昔伐蛟當夏季漁師有命先期  
避胡為山城摧水災咄咄怪出人所備馮夷鼓浪蛟氣腥與波上下雜鯢鯨奉職無狀天  
示警吁嗟殃胡及病氓水退泥猶深數尺壞垣敗瓦相推積可憐百物胥淪漂剩有衣冠  
窟下為巢離人居終日計編茅幸免為魚起昏墊敢忘飢雁聽哀營衽席莫安草飛檄上為營  
天子言目擊九重矜憫下天章聖主澤渥發倉糴民戴皇仁或再生帑金不惜卹民情鼓  
腹擊壤詎知恩波浩蕩莫能名吁嗟乎史記賑災書大水涸蘇困千秋美會當共紀  
黃河清海隅蒼生皆率俾

十三年甲戌春二月郡城正街不戒于火延燒七十餘戶是月二十五日雨雹縣志

光緒八年壬午除夕狼嗥聲甚悲哀遐邇咸聞若不甚遠

九年癸未夏六月大水饑荒流民甚衆道殣相望

十一年乙酉山茶刺毛生色微黑食葉殆盡聞聲則昂頭旋因雷震不見是年油翔貴

十五年己丑秋七月七日戌時外塔臥枉矢東流有聲其色黑

永順縣志 卷二 地理志 災祥 十九

十七年辛卯水城西利濟橋圯

十八年壬辰常平倉火

十九年癸巳夏大疫人民死者枕藉是年牛亦疫

二十三年丁酉春三月雪盈尺六月凶荒民多菜色

二十六年庚子夏大旱飢民遍地斗米千錢葛蕨皆盡有將麻稗麥麩屑以為糜及食

薯種櫻包白泥皮鞋底者七月初九日亥初有星如火爛色正赤東起西沒經天有聲

桑植龍山同時皆見均報府縣有案十一月初五日黎明外塔臥雨豆約二三分厚不

等其色淡黃剖之有心以土覆之發生萌芽

三十一年乙巳縣署儀門災府縣各志書版存五通祠慨被燬

二十二年丙午夏饑知府徐榮籌貲平糶秋虎災噬人頗衆

三十四年戊申春三月城東李家灣地震

宣統元年己酉夏五月雨雹大如棋子六月饑大水城東南隅崩

二年庚戌夏旱蝻生

三年辛亥山中膏桐生枝若刀若劍若斧鉞若標槍者甚衆椿亦有之鄉間孩提數十成羣或剪紙爲旗削木爲鎗彼此紛紜若對壘然皆兵兆也八月外塔臥雨豆青白色剖之有心色綠雞鴨皆食之

民國 以舊曆 紀事

元年壬子夏雨豆剖視之有粒若粟內保蟲荒外保大水饑三年甲寅夏六月旱蟲荒饑

四年乙卯夏四月二十九日戌時顆砂地震瓦屋有聲凡八九十里九月初二日茅坪向夕地動移時始定

六年丁巳秋七月大雨數日稻皆生芽

八年己未夏六月二十九日大雨夜半溪水陡漲損失甚鉅此大水洗車保大井小井等者爲

處衝壞田畝三分之二沿溪石橋圮八九座碾房流去三十餘棟淹斃男婦十七人白砂保托家湖山崩堵爲巨浸中有大魚無數

### 永順縣志 卷一

地理志 災祥

二十

十年辛酉夏饑由大唐沅陵運米者絡繹不絕採蕨挖葛闔縣皆同山竹均開花結實

其粒是麥採而食之足以充飢活人無算又上榔保沿溪蘆葦亦結實如梁貢生龔明欽竹米頌

乘虔誠兮禱上帝降細糴兮調元氣百穀登兮羣生遂歲功成兮惟樹藝大運悠兮不齊風雨五十兮愆期禾麥大無兮羣苦悲探萬歲兮充飢形容羸瘠兮僅存骨皮人謀竭兮遘天麻山谷有米兮可取而求士女羣探兮充糧餒吁嗟何物兮可爲民饑維彼翠竹而勝玉吸其汁兮味甘滑而逾粟昔惟鳳凰兮非此不食燕雀嗷嗷兮何從得之何今之世不古若燕雀得飽兮鳳凰轉飢噫吁嚱鳳凰飢兮雀不飽茫茫四顧兮心如擣○余記有烏糲歌偶忘作者姓名附錄於此序云烏糲根也二三月間蕨苗初生如小兒拳可供蔬食掘根搗爲粉煮成團足以充飢挖掘之時藉爲開土倉云烈日行天千里赤雷令不願老龍熱深潭大澤禱無靈輒向首陽山上覓翻然覓得熱龍鬚新斫持歸聊足食刀石作爛玉脂瑤璠銀缸取瓊液鼎增百鍊紫霜丸水晶明潤葡萄碧初服便覺回垢顏再嚙清風健雙翼泰山空傳扶有蒼華井徒誇藕如蜜紫芝朱草不問囊中錢鳴呼我生自得此成豐年

十二年癸亥夏好螭生災而不害八月初四日王村五里牌馬巖山鳴聲如機關鎗轟

轟不絕歷兩小時始止二十四日又鳴是年內龍保唐昌文園葵一莖十二朵其城居

園橙再花再實時昌文年逾四旬子正瑞生乳名葵生誌慶也夾樹坪張自福金河田

禾兩穗三穗者甚多官坊灣符時咸田禾一莖雙穗鳳棲坪李紹映田禾雙穗十三十四兩年亦如之

案禾兩穗麥雙歧自來史籍咸以爲瑞竊謂不然余家嘗種玉蜀黍一園每莖或三四實其一蒂三五出者加筆架如手掌滿園中實居多數往來行人見之莫不詫爲異然亦無甚徵應也又有園桃一株垂實纍纍凡數千枚而並蒂者過半至梨李冬華無歲不然但因已華而來年必不實甚有並枝幹枯稿者此又何足奇乎

永順縣志

卷二

地理志 災詳

二十一

